

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Menippus sive dialogorum satyricorum centuria
inanitatum nostratum speculum**

Andreä, Johann Valentin

Cosmopoli [i.e. Straßburg], 1618

51. Idolum

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

opponis? B. Surditatem. A. Quem habes interpretem? B. Ecclesiam. A. Quod professionis tuæ nomen? B. Resignati. A. Quod tibi symbolum? B. Acquiesco. A. Quis itineris scopus? B. Vnio. A. Quis laborum finis? B. Æternitas. A. Visne me tibi socium? B. Ita. A. Deus aspiret cœptis. B. Amen!

SI. IDOLVM.

A. **H**Eus pictor. B. Adsum. A. Penicillum capere. B. Est in manibus: A. Obsecro te in chartam mihi conijce, quod somniaui. B. Iam vero somnias: qui enim ego umbras in umbrem? A. Pinge tamen, meosumptu. B. Quid vis? A. Primo caput ingens, masculum quidem, sed pectinatum, & fœmineo cultu luxurians. B. Fiat. A. Et corollam circumducito ex papaueribus. B. Age. A. Nunc oculos mihi luscos pingito, & in natum intentos. B. Eleganter. A. Eis perspicilla superimponere, ac viridia quidem. B. Quid tum? A. Auribus opus nihil hic est, sed foraminibus tamen nullo ordine hic ad tempora caput perfora. B. Habes satis confusa. A. Vellem hic crabrones aliquos circumvolantes, inspiraturos veluti. B. En examen vesparum. A. Iam os mihi diductum delineam, ac deauratum. B. Quid aurum ad tuas sordes? A. Sine tibi jam imperem, sed & multam hic saliuam effluentem effinge. B. O bellam imaginem! de Naso vero quid fiet? A. Vix memini, interim tamen rostrum suillum appinge, cum eo quod porcis allubescit aromate. B. Iam **f**actere

fœtere videbitur. A. Collum asferinum quidem sit, at non sine insigni struma. B. Haha he. A. Tergum fac latum, durum, & undique cicatricosum. B. Perge. A. Ventrem vero mollem, tumidum, imo distentum verius. B. Vah mollem & distentum! A. Fiat tamen, nunc aures admove, secretum habeo. B. Nonne soli sumus. A. Res valde arcana est. B. Mussita. A. In aurem accipe. B. Monstruosus es. A. Imo si vis etiam sordidus. Nam hic egestionis magnam molem volo. B. Molem vero? A. Molem inquam quæ credatur corpus universum evacuare posse. B. Ridiculum est tumere, & vacuum esse. A. Sic iam convenit, nunc pedes restant, eos ulcerosos pingito, ac fasciis hinc inde obvolutos. B. Vis etiam tumentes? A. Fac gracilem alterum, alterum prout libuerit, dum uterque liveat, & tiberet, & incurvus sit. B. O manuum oblitus sumus. A. Nequaquam, sed altera arundinem teneat, corporis fulcrum, altera thuribulum, fœtoris levamentum. B. Nihil in manibus insoliti. A. Nihil, nisi quod ex chiragra contortas velim. B. Iam ne absolvi? A. Iamiam, si corpus omne lepra, vel scabie purulentissima obdlexeris. B. Phy, deformem & informem formam? A. An tu nescis his iam idolis, his diis Mundi sacrarium ornari?